

Засгийн газрын Хэрэг эрхлэх газрын  
2024 оны ... дүгээр сарын ... -ний өдрийн  
... дугаар албан бичгийн хавсралт



# **МОНГОЛ УЛСЫН 2021-2025 ОНЫ ХӨРӨНГӨ ОРУУЛАЛТЫН ХӨТӨЛБӨРИЙН ХЭРЭГЖИЛТЭД ХИЙСЭН ХЯНАЛТ- ШИНЖИЛГЭЭ, ҮНЭЛГЭЭНИЙ ТАЙЛАН**

**УЛААНБААТАР  
ХОТ**

# **“МОНГОЛ УЛСЫН 2021-2025 ОНЫ ХӨРӨНГӨ ОРУУЛАЛТЫН ХӨТӨЛБӨР”-ИЙН 2023 ОНЫ ХЭРЭГЖИЛТИЙН ЯВЦАД ХЯНАЛТ-ШИНЖИЛГЭЭ, ҮНЭЛГЭЭ ХИЙСЭН ТАЙЛАН**

## **Нэг. Зорилго**

Хяналт-шинжилгээ, үнэлгээний зорилго нь Монгол Улсын Их хурлын 2020 оны 23 дугаар тогтоолын 2 дугаар хавсралтаар батлагдсан “Монгол Улсын 2021-2025 оны хөрөнгө оруулалтын хөтөлбөр”-т тусгасан төсөл, арга хэмжээний гүйцэтгэл нь хүлээгдэж буй үр дүнд хүрч байгаа эсэх, шалгуур үзүүлэлт тус бүрийн хүрсэн түвшинг тодорхойлох, шаардлагатай дүгнэлт, санал, зөвлөмж боловсруулах, хэрэгжилтийг зохион байгуулж байгаа болон шийдвэр гаргах түвшинд мэдээлэл, арга зүйн дэмжлэг үзүүлэхэд чиглэгдэнэ.

## **Хоёр. Арга зүй**

Монгол Улсын “Хөгжлийн бодлого, төлөвлөлт, түүний удирдлагын тухай” хуулийн 9.3.3 дахь заалтыг үндэслэн Засгийн газрын 2020 оны 206 дугаар тогтоолын хавсралт “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ын 7.6.3 заалтыг баримтлан бодлогын баримт бичгийн зорилт, арга хэмжээний хэрэгжилтийг үнэлэх аргачлалаар хяналт-шинжилгээ, үнэлгээг хийсэн бөгөөд Монгол Улсын Их хурлын 2020 оны 23 дугаар тогтоолын 2 дугаар хавсралтаар батлагдсан “Санхүүжилтийн эх үүсвэр шийдвэрлэгдсэн болон шийдвэрлэх шаардлагатай төсөл арга хэмжээний жагсаалт, техник, эдийн засгийн үндэслэл, зураг төсөл боловсруулах шаардлагатай төсөл, арга хэмжээний жагсаалт, хэрэгжилтийн шалгуур үзүүлэлт”-ийн дагуу 2023 оны зорилтот түвшин, үр дүнг тооцсон.

Үнэлгээг хийхдээ төслийн ажлын явц буюу хүрсэн түвшин, зорилтот түвшинг тодорхойлсон бол “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ын 6.2.1 аргачлалаар, төслийн ажлын явцыг тодорхойлж ирүүлээгүй, зорилтот түвшин болон хүрсэн түвшин тодорхойгүй төслүүдийг журмын 6.2.2 аргачлалаар тус тус үнэлсэн.

## **Гурав. Хяналт-шинжилгээ, үнэлгээний үр дүн**

### **3.1. Өмнөх оны гүйцэтгэл, үр дүн**

Монгол Улсын Их хурлын 2020 оны 23 дугаар тогтоолын 2 дугаар хавсралтаар баталсан “Монгол Улсын 2021-2025 оны хөрөнгө оруулалтын хөтөлбөр”-т улсын төсөв, гадаадын зээл, тусламж, концессын гэрээ, Хөгжлийн банк болон хувийн хэвшлийн санхүүжилтээр хэрэгжүүлэх тус бүр нь 30.0 тэрбум төгрөгөөс дээш өртөгтэй нийт 49.69 их наяд төгрөгийн төсөвт өртөг бүхий 150 төсөл туссан.

Үүнд улсын төсвөөр хэрэгжих 3.72 их наяд төгрөгийн төсөвт өртөг бүхий 29 төсөл, гадаадын зээл, тусламжаар хэрэгжих 9.14 их наяд төгрөгийн 70 төсөл, гадаадын зээл, тусламж болон улсын төсөв, Хөгжлийн банкны холимог эх үүсвэр бүхий 9.06 их наяд төгрөгийн 19 төсөл, концесс, төр-хувийн хэвшлийн түншлэлээр хэрэгжих 10.08 их наяд төгрөгийн 8 төсөл, Хөгжлийн банкны санхүүжилт болон хувийн хэвшил, улсын төсвөөс санхүүжих 14.62 их наяд төгрөгийн 15 төсөл, эх үүсвэр хэсэгчлэн шийдвэрлэгдсэн 3.07 их наяд төгрөгийн 9 төсөл багтсан.

Нийт батлагдсан төсөвт өртгийн 79.7 хувь буюу 39.61 их наяд төгрөгийн хөрөнгө оруулалтыг 2021-2025 онд хийхээр төсөвлөж, 7.7 хувь буюу 3.84 их наяд төгрөгийн төсөвт өртөг бүхий 11 төсөл шилжин хэрэгжихээр батлагдсан.

Улсын хөрөнгө оруулалтын хөтөлбөрийн 150 төсөлд 2022 онд нийт төсөвт өртгийн 27.5 хувь буюу 13.6 их наяд төгрөгийн санхүүжилт хийхээр төсөвлөж, гүйцэтгэлээр төсөвлөсөн дүнгийн 44.0 хувь буюу ойролцоогоор 6.0 их наяд төгрөгийн санхүүжилт хийсэн байна. Энэ нь нийт төсөвт өртгийн 12.1 хувийг эзэлжээ (Хүснэгт 1).

### Хүснэгт 1. Улсын хөрөнгө оруулалтын хөтөлбөрийн 2022 оны санхүүжилт

Төслийн батлагдсан эх үүсвэр	Төслийн тоо	Төсөвт өртөг /сая.төг/	Өмнөх оны гүйцэтгэл	2022 он			
				Төсөвлөсөн	Гүйцэтгэл	Гүйцэтгэлийн хувь	Төслийн тоо
	<b>150</b>	<b>49,690,668.9</b>	<b>4,513,281.8</b>	<b>13,713,328.2</b>	<b>6,007,495.3</b>	<b>43.8</b>	<b>87</b>
Улсын төсөв	29	3,722,828.7	561,302.0	1,098,908.3	388,345.1	35.3	10
Гадаад зээл, тусламж	70	9,138,066.8	567,020.1	1,717,287.3	684,439.7	39.9	48
Холимог эх үүсвэртэй /гадаад зээл тусламж, улсын төсөв, Хөгжлийн банк	19	9,063,004.3	510,717.1	2,037,094.2	1,346,339.9	66.1	17
Концесс, төр-хувийн хэвшлийн түншлэл	8	10,079,635.0	560,112.6	1,696,922.4	291,767.0	17.2	5
Хөгжлийн банкны санхүүжилт, хувийн хэвшил, шууд хөрөнгө оруулалт	15	14,619,864.4	2,309,857.4	5,799,572.5	3,295,292.6	56.8	6
Эх үүсвэр хэсэгчлэн шийдвэрлэгдсэн	9	3,067,269.8	4,272.6	1,363,543.4	1,311.0	0.1	1

Өмнөх 2022 онд нийт 87 төсөлд 6.0 их наяд төгрөгийн хөрөнгө оруулалт хийснээс 6.5 хувийг улсын төсвийн хөрөнгөөр, 11.4 хувийг гадаад зээл, тусламжаар, 22.4 хувийг улсын төсөв болон гадаадын зээл, тусламж хосолсон эх үүсвэрээр, 4.9 хувийг концессын нөхцөлөөр, 54.8 хувийг шууд хөрөнгө оруулалт болон хувийн хэвшлийн санхүүжилтээр, 0.02 хувийг эх үүсвэр хэсэгчлэн шийдвэрлэгдсэн төслүүдээс санхүүжүүлсэн байна.

Нийт 150 төсөл, арга хэмжээнд 2022 онд нийт төсөвт өртгийн 27.5 хувь буюу 13.6 их наяд төгрөгийн санхүүжилт хийхээр төлөвлөсөн байна. Гүйцэтгэлээр 87 төсөл, арга хэмжээнд төлөвлөсөн дүнгийн 44.0 хувь буюу ойролцоогоор 6.0 их наяд төгрөгийн санхүүжилт хийсэн байна.

### 3.2 Хөрөнгө оруулалтын 2023 оны гүйцэтгэл

Улсын хөрөнгө оруулалтын хөтөлбөрийн 150 төсөл, арга хэмжээнд 2023 онд нийт төсөвт өртгийн 21.7 хувь буюу 10.7 их наяд төгрөгийн санхүүжилт хийхээр төлөвлөсөн байна.

Нийт 72 төсөлд 2.2 их наяд төгрөгийн хөрөнгө оруулалт хийснээс 29.1 хувийг улсын төсвийн хөрөнгөөр, 60.8 хувийг гадаад зээл, тусламжаар, 3.2 хувийг улсын төсөв болон гадаадын зээл, тусламж хосолсон эх үүсвэрээр, 6.9 хувийг концессын эх үүсвэрээр санхүүжүүлсэн байна. Энэ нь батлагдсан нийт төсөвт өртгийн 4.6 хувийг эзэлж байна. (Хүснэгт 2).

**Хүснэгт 2. Улсын хөрөнгө оруулалтын хөтөлбөрийн 2023 оны санхүүжилт**


Төслийн батлагдсан эх үүсвэр	Төслийн тоо	Төсөвт өртөг /сая.төг/	Өмнөх оны гүйцэтгэл	2023 он				
				Төсөвлөсөн	Гүйцэтгэл	Гүйцэтгэлийн хувь	Төслийн тоо	
	<b>150</b>	<b>49,690,668.9</b>	<b>6,007,495.3</b>	<b>10,759,705.0</b>	<b>2,268,904.6</b>	<b>21.1%</b>	<b>72</b>	
Үүнээс:	Улсын төсөв	29	388,345.1	561,302.0	625,966.50	659,801.23	29.1%	14
	Гадаад зээл, тусламж	70	684,439.7	567,020.1	2,795,265.80	1,379,949.57	60.8%	51
	Холимог эх үүсвэртэй /гадаад зээл тусламж, улсын төсөв, Хөгжлийн банк	19	1,346,339.9	510,717.1	1,826,691.40	73,379.14	3.2%	2
	Концесс, төр-хувийн хэвшлийн түншлэл	8	291,767.0	560,112.6	1,825,641.30	155,774.67	6.9%	5
	Хөгжлийн банкны санхүүжилт, хувийн хэвшил, шууд хөрөнгө оруулалт	15	3,295,292.6	2,309,857.4	2,979,841.00	-	-	-
	Эх үүсвэр хэсэгчлэн шийдвэрлэгдсэн	9	1,311.0	4,272.6	706,298.90	-	-	-

Улсын хөрөнгө оруулалтын хөтөлбөрийн 2023 оны санхүүжилт:

Санхүүжилтийг эх үүсвэрээр нь задалбал:

- Улсын төсвийн хөрөнгө оруулалтаар 625.6 тэрбум төгрөгийн санхүүжилт хийхээр баталснаас гүйцэтгэлээр 14 төсөлд 659.8 тэрбум төгрөгийн санхүүжилт хийсэн;
- Гадаадын зээл, тусламжаар 2.7 их наяд төгрөгийн хөрөнгө оруулалт хийхээр баталснаас гүйцэтгэлээр 51 төсөлд 1.3 их наяд төгрөгийн хөрөнгө оруулалт хийсэн;
- Гадаадын зээл, тусламж болон улсын төсөв, хөгжлийн банкны санхүүжилт бүхий холимог эх үүсвэрээр 1.8 их наяд төгрөгийн санхүүжилт хийхээр баталснаас гүйцэтгэлээр 2 төсөлд 73.3 тэрбум төгрөгийн санхүүжилт хийсэн;
- Концесс, төр-хувийн хэвшлийн түншлэлээр 1.8 их наяд төгрөгийн санхүүжилт хийхээр баталснаас 5 төсөлд 155.7 тэрбум төгрөгийн санхүүжилт хийсэн;
- Шууд хөрөнгө оруулалт болон хувийн хэвшлийн холимог санхүүжилтээр 2.9 их наяд төгрөгийн хөрөнгө оруулалт хийхээр баталснаас гүйцэтгэл гараагүй буюу санхүүжилт хийгдээгүй;
- Эх үүсвэр хэсэгчлэн шийдвэрлэгдсэн төслүүдэд 706.2 тэрбум төгрөгийн хөрөнгө оруулалт хийхээр баталснаас гүйцэтгэл гараагүй буюу санхүүжилт хийгдээгүй байна.

График 1.Хөрөнгө оруулалтад эх үүсвэрийн эзлэх хувь /2023 оны гүйцэтгэлтэй харьцуулсан хувь/



Батлагдсан 150 төсөл, арга хэмжээнээс 2021-2023 онд нийт 44 төсөл, арга хэмжээ хэрэгжиж дууссан (Хавсралт 6).

Өнгөрсөн 2021-2023 онд хэрэгжиж дуусахаар батлагдсан ч санхүүжилт дутуу, шалгуур үзүүлэлт, зорилтот түвшиндээ хүрээгүй 32 төсөл, арга хэмжээ үргэлжлэн хэрэгжиж байна (Хавсралт 8).

### 3.3.Шалгуур үзүүлэлт, зорилтот түвшний хэрэгжилт

Батлагдсан нийт 150 төсөл, арга хэмжээнд хяналт-шинжилгээ, үнэлгээ хийхэд 2023 оны хэрэгжилт дунджаар 63.3 хувьтай байна (хавсралт 3). Хэрэгжилтийн үнэлгээг ангилан авч авч үзвэл

- Зорилтот түвшинд хүрсэн буюу 100 хувийн хэрэгжилттэй - 44 төсөл,
- Тодорхой үр дүнд хүрсэн буюу 70-99 хувийн хэрэгжилттэй - 37 төсөл,
- Эрчимжүүлэх шаардлагатай буюу 30-69 хувийн хэрэгжилттэй - 28 төсөл,
- Үр дүнгүй буюу 0-29 хувийн хэрэгжилттэй - 41 төсөл, арга хэмжээ байна.

Хэрэгжилтийн үнэлгээг зорилт тус бүрээр гаргавал:

- 1) Үндэсний нэгдмэл үнэт зүйлийн хүрээнд хэрэгжих төслийн хэрэгжилт дунджаар 73.7 хувь;
- 2) Хүний хөгжлийн хүрээнд хэрэгжих төслийн хэрэгжилт дунджаар 48.9 хувь;
- 3) Амьдралын чанар ба дундаж давхаргын хүрээнд хэрэгжүүлсэн төслийн хэрэгжилт дунджаар 68.3 хувь;
- 4) Эдийн засгийн салбарт хэрэгжиж байгаа төслийн хэрэгжилт 61.8 хувь;
- 5) Засаглалын хүрээнд хэрэгжүүлсэн төслийн хэрэгжилт дунджаар 83.5 хувь;
- 6) Ногоон хөгжлийн хүрээнд хэрэгжилт дунджаар 61.3 хувь;
- 7) Амар тайван аюулгүй нийгмийн хүрээнд хэрэгжилт дунджаар 47.3 хувь;
- 8) Бүс орон нутгийн хэмжээнд хэрэгжиж байгаа төслийн хэрэгжилт дунджаар 64.1 хувь;
- 9) Улаанбаатар ба дагуул хотын хүрээнд төслийн хэрэгжилт 60.6 хувийн биелэлттэй байна.

3.4. Санхүүжилтийн эх үүсвэр шийдвэрлэх шаардлагатай төсөл, арга хэмжээний хэрэгжилт

Санхүүжилтийн эх үүсвэр шийдвэрлэх шаардлагатай төсөл, арга хэмжээний жагсаалтад нийт 10,161.0 тэрбум төгрөгийн төсөвт өртөг бүхий 52 төсөл, арга хэмжээ багтсан. Нийт 36 төсөл, арга хэмжээний санхүүжилтийн эх үүсвэрийг 2021-2023 онд бүтэн болон хэсэгчилсэн байдлаар шийдвэрлэсэн бөгөөд 2023 онд 679.9 тэрбум төгрөгийн санхүүжилт хийсэн нь нийт төсөвт өртөгтэй харьцуулахад 3.7 хувийг эзэлж байна (Хавсралт 4).

Эх үүсвэр нь бүтэн болон хэсэгчилсэн байдлаар шийдвэрлэгдсэн 36 төслөөс улсын төсвийн санхүүжилтээр 12 төсөл, гадаадын зээл, тусламжаар 1 төсөл, эх үүсвэр тодорхойгүй 23 төслийг хэрэгжүүлэхээр шийдвэрлэсэн байна (Хавсралт 9).

3.5 ТЭЗҮ болон зураг төсөл боловсруулах шаардлагатай төсөл арга хэмжээний хэрэгжилт

Техник эдийн засгийн үндэслэл, зураг төсөл боловсруулах шаардлагатай 98 төсөл, арга хэмжээ батлагдсанаас 2021-2023 онд 53 төсөл, арга хэмжээний техник эдийн засгийн үндэслэл, зураг төслийг боловсруулжээ. Техник эдийн засгийн үндэслэл, зураг төсөл боловсруулах ажил нь эхэлсэн 24 төсөл, арга хэмжээ байгаа бол хэрэгжиж эхлээгүй 21 төсөл, арга хэмжээ байна (Хавсралт 5).

Техник эдийн засгийн үндэслэл, зураг төсөл боловсруулах шаардлагатай 98 төсөл, арга хэмжээний хэрэгжилт дунджаар 65.1 хувьтай байна. Хэрэгжилтийн үнэлгээг ангилан авч авч үзвэл:

- Зорилтот түвшинд хүрсэн буюу 100 хувийн хэрэгжилттэй - 53 төсөл;
- Тодорхой үр дүнд хүрсэн буюу 70-99 хувийн хэрэгжилттэй - 6 төсөл;
- Эрчимжүүлэх шаардлагатай буюу 30-69 хувийн хэрэгжилттэй - 14 төсөл;
- Үр дүнгүй буюу 0-29 хувийн хэрэгжилттэй - 25 төсөл, арга хэмжээ байна.

Техник, эдийн засгийн үндэслэл, зураг төсөл боловсруулсан 53 төсөл, арга хэмжээг төсвийн ерөнхийлөн захирагчаар авч үзвэл:

- Эрчим хүчний яамны 17 төсөл;
- Зам, тээврийн хөгжлийн яамны 17 төсөл;
- Барилга, хот байгуулалтын яамны 9 төсөл;
- Соёлын яамны 4 төсөл;
- Боловсрол, шинжлэх ухааны яамны 1 төсөл;
- Эрүүл мэндийн яамны 2 төсөл;
- Хөдөлмөр, нийгмийн хамгааллын яамны 1 төсөл;
- Хүнс, хөдөө аж ахуй, хөнгөн үйлдвэрийн яамны 1 төсөл;
- Нийслэлийн Засаг даргын Тамгын газрын 1 төсөл байна (Хавсралт 10).

Хэрэгжилт хангалтгүй буюу 0 хувийн хэрэгжилттэй 21 төсөл, арга хэмжээг төсвийн ерөнхийлөн захирагчаар авч үзвэл:

- Зам, тээврийн хөгжлийн яамны 8 төсөл;
- Барилга, хот байгуулалтын яамны 5 төсөл;
- Байгаль орчин, аялал жуулчлалын яамны 2 төсөл;
- Боловсрол, шинжлэх ухааны яамны 1 төсөл;
- Цахим хөгжил, харилцаа холбооны яамны 1 төсөл;

- Хүнс, хөдөө аж ахуй, хөнгөн үйлдвэрийн яамны 1 төсөл;
- Хөдөлмөр, нийгмийн хамгааллын яамны 1 төсөл;
- Соёлын яамны 1 төсөл;
- Биеийн тамир, спортын улсын хороо 1 төсөл байна.

#### **Дөрөв. Дүгнэлт**

4.1.Улсын хөрөнгө оруулалтын хөтөлбөрийн 150 төсөл, арга хэмжээнд 2023 онд нийт төсөвт өртгийн 21.7 хувь буюу 10.7 их наяд төгрөгийн санхүүжилт хийхээр төлөвлөсөн. Гүйцэтгэлээр 72 төсөл, арга хэмжээнд төлөвлөсөн дүнгийн 21.1 хувь буюу ойролцоогоор 2.2 их наяд төгрөгийн санхүүжилт хийсэн. Өмнөх онтой харьцуулахад санхүүжилтийн дүн 3.8 их наяд төгрөгөөр буурсан байна.

Тайлант онд хийсэн санхүүжилтийн 29.1 хувийг улсын төсвийн хөрөнгөөр, 60.8 хувийг гадаад зээл, тусламжаар, 3.2 хувийг улсын төсөв болон гадаадын зээл, тусламж хосолсон эх үүсвэрээр, 6.9 хувийг концессын эргэн төлөлтийн санхүүжилтээр шийдвэрлэжээ.

Батлагдсан нийт 150 төсөл, арга хэмжээнд хяналт-шинжилгээ, үнэлгээ хийхэд дунджаар 63.3 хувийн хэрэгжилттэй гарсан. Үүнээс бүрэн хэрэгжиж дууссан 44 төсөл байгаа бол хангалтгүй буюу 0-29 хувийн хэрэгжилттэй 42 төсөл байна. Мөн 2021-2023 онд хэрэгжиж дуусахаар батлагдсан ч санхүүжилт дутуу, шалгуур үзүүлэлт, зорилтот түвшиндээ хүрээгүй 32 төсөл, арга хэмжээ хугацаа алдан үргэлжилж байгааг эрчимжүүлэн дуусгах шаардлагатай байна.

4.2.Санхүүжилтийн эх үүсвэр шийдвэрлэх шаардлагатай 18,609.1 тэрбум төгрөгийн төсөвт өртөг бүхий 88 төсөл, арга хэмжээний хэрэгжилт хангалтгүй байна. Тухайлбал 2021-2023 онд нийт 36 төсөл, арга хэмжээний санхүүжилтийн эх үүсвэрийг бүтэн болон хэсэгчилсэн байдлаар шийдвэрлэсэн боловч 2021 онд 628.9 тэрбум, 2022 онд 679.9 тэрбум, 2023 онд 679.9 тэрбум төгрөг буюу 1,988.7 тэрбум төгрөгийн санхүүжилт хийсэн нь нийт төсөвт өртгийн 10.7 орчим хувьтай тэнцэж байна.

4.3.Техник эдийн засгийн үндэслэл, зураг төсөл боловсруулах шаардлагатай 98 төсөл, арга хэмжээнээс 2021-2023 онд нийт 53 төсөл, арга хэмжээний техник, эдийн засгийн үндэслэл, зураг төслийг боловсруулжээ. Техник эдийн засгийн үндэслэл, зураг төсөл боловсруулах ажил нь тодорхой хэмжээгээр эхэлсэн 24 төсөл, арга хэмжээ байна.

Техник эдийн засгийн үндэслэл, зураг төсөл боловсруулах шаардлагатай 98 төсөл, арга хэмжээний хэрэгжилт 2022 онд ойролцоогоор 60.6 хувьтай байсан бол 2023 онд 65.1 хувьтай болж 4.5 нэгж хувиар нэмэгдсэн байна. Харин хэрэгжиж эхлээгүй 21 төсөл, арга хэмжээ үлдсэн байгааг анхаарах хэрэгтэй.

#### **Тав. Цаашид авах арга хэмжээний санал**

5.1.Улсын хөрөнгө оруулалтын хөтөлбөрийн хэрэгжилтийг сайжруулах чиглэлээр:

Төсөл, арга хэмжээ хариуцан хэрэгжүүлж буй төсвийн ерөнхийлөн захирагч нарт:

5.1.1.Санхүүжилтийн эх үүсвэр шийдвэрлэгдсэн төслүүдийн хэрэгжилтийг сайжруулж, хугацаанд нь дуусгахад онцгой анхаарч ажиллах;

5.1.2.Төсөл хэрэгжих хугацаа дууссан боловч саатсан, шалгуур үзүүлэлт хангаагүй төслүүдээ яаралтай үр дүнд хүргэж дуусгах;

5.1.3.Санхүүжилтийн эх үүсвэр шийдвэрлэх шаардлагатай төсөл, арга хэмжээг заасан хугацаанд нь санхүүжилт шийдвэрлэж хэрэгжүүлэх;

5.1.4.Техник эдийн засгийн үндэслэл, зураг төсөл боловсруулах бүх төсөл, арга хэмжээг 2024 онд багтаан дуусгах;

5.1.5.Төсөл, арга хэмжээний хэрэгжилт, санхүүгийн гүйцэтгэлийг ЭЗХЯ-нд шуурхай ирүүлж, хэрэгжилтийг сайжруулах чиглэлээр хамтран ажиллах.

5.2.Улсын хөрөнгө оруулалтын хөтөлбөрт тодотгол хийж, шаардлагатай өөрчлөлтийг оруулах:

5.2.1.Хэрэгжиж дууссан 44 төсөл, арга хэмжээг (хавсралт 6) Улсын хөрөнгө оруулалтын хөтөлбөрөөс хасах;

5.2.2.Төслийн төсөвт өртөгт өөрчлөлт орсон, нэр, чиглэлийг өөрчлөх саналтай, түр зогссон 9 төсөл, арга хэмжээний (хавсралт 7) мэдээллийг төсөл хэрэгжүүлэгч байгууллагаас дахин авч нягтлан, өөрчлөлт оруулах, эсвэл ач холбогдлоо алдсан төслийг хасах;

5.2.3.Төслийн хэрэгжих хугацаа 2021-2023 онд дуусгавар болсон ч шалгуур үзүүлэлт, зорилтот түвшиндээ хүрээгүй 32 төсөл, арга хэмжээний (хавсралт 8) хэрэгжих хугацааг 2024 онд шилжүүлэх, эсвэл ач холбогдлоо алдсан төслийг хасах;

5.2.4.Санхүүжилтийн эх үүсвэр нь бүрэн болон хэсэгчлэн шийдвэрлэгдсэн 36 төсөл, арга хэмжээний (хавсралт 9) төсөвт өртөг, санхүүжилтийг тодорхой болгож, “Санхүүжилтийн эх үүсвэр шийдвэрлэгдсэн төсөл, арга хэмжээний жагсаалт”-д оруулах;

5.2.5.ТЭЗҮ болон зураг төсөл боловсруулсан 53 төсөл, арга хэмжээг (хавсралт 10) “Санхүүжилтийн эх үүсвэр шаардлагатай төсөл, арга хэмжээний жагсаалт”-д оруулах;

5.2.6.“Улсын хөрөнгө оруулалтын хөтөлбөр боловсруулах аргачлал”-ын дагуу Улсын хөрөнгө оруулалтын хөтөлбөрт шинээр тусгах төсөл, арга хэмжээний судалгааг хийж, шаардлага хангасан төсөл, арга хэмжээг нэмэх.

---- оОо ----



